



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 44. Philippi Lucemburgii Cardinalis obitus

[urn:nbn:de:hbz:466:1-66414](#)

rium, alii vero eum Parlamenti Norman-^{Sæcul. XVI.}
ni Praesidem fuisse creatum, demum An-^{A.C. 1519.}
no millesimo quingentesimo decimo quin-
to Bituricensi Archiepiscopatu auctum.
Biennio post Antonius ad Francisci I.
Galliarum Regis preces, suffragante e-
tiam Prati Cancellarii auctoritate a Leo-
ne X. Papa Cardinalium numero adscri-
ptus est, cui tamen dignitati haud diu vita
superstes exstitit, sed die vigesima septima
Novembris Anno Christi millesimo quin-
gentesimo decimo nono Blesi, ubi tum Rex
agebat, rebus humanis valedixit. Cor-
pus ejus translatum ac sepultum fuit in
Ecclesia Metropolitana Bituricensi, quam
pluribus denis locupletavit, atque inter
alia aulaeis pretiosis, quibus ejus symbo-
lum ac insignia intexta hodieum vi-
suntur.

§. XLIV.

Philippi Lucemburgii Cardinalis extrema.

Alter ex Cardinalibus, quem mors hoc *Nicol. Vi-*
anno sustulit, erat Philippus Lucem- *gnier hist. de*
burgius. Fuit is primo Atrebati, postea *Luxemb.*
Anno Salutis millesimo quadringentesi- *Ciacon. in*
mo septuagesimo septimo Terouanæ E- *Alex. VI.*
piscopus, in qua Ecclesia Theobaldo *San Marth.*
Patri suo successit; hic enim mortua *Gall. Christ.*
conjuge sua sacræ Clericorum militis
nomen

Sæcul. XVI. nomen dedit, sedemque Terouanensem
A.C. 1516. obtinuit. Mira Philippus Lucemburgius

pollebat gratia, ac singulari in rebus ge-
rendis dexteritate; unde in publicis Re-
gni negotiis non raro ejus consilia expe-
tebantur, atque ab Alexandro VI. Anno

*Panvin de Rom Pontif. millesimo quadringentesimo nonagesimo
Aubery vit. sexto Cardinalis, necnon Legatus a late-
Card.*

re in Galliis creabatur, quo etiam mu-
nere sub Julii II. Pontificatu functus est.
Ejus quoque opera usus est Alexander,
ubi de matrimonio solvendo inter Ludo-
vicum XII. & Joannam de Francia age-
batur. Paulopost Philippus solitudinis
amore captus, Episcopatum suum Fran-
cisco Lucemburgio Nepoti suo relinque-
re statuit, atque etiam id effecit; defun-
cto autem Nepote suo rursum ad ean-
dem Ecclesiam redire compellebatur,
quam Pastorali prorsus sollicitudine rexit,
auxitque: Tandem vero anno ætatis
suæ septuagesimo quarto vitæ finem fe-
cit, merito celeberrimis ævi sui Prælatis
accensendus. Corpus ejus sepultum fuit
in sua Cathedrali Ecclesia, cuius tamen
ossa fervente intestino bello a Calvinistis
inhumana rabie effossa igni cremata
fuere. Idem etiam Parisiis fundavit Ce-
nomanense Collegium, quod hodie Jesui-
tarum Gymnasio unitum est, praeter eam
aliud adhuc collegium in Cenomanensi
urbe condidisse dicitur.

§. XLV.